

## **DY FJALE PER PROFETIN**

Studimi i jetëshkrimit të Profetit (paqja dhe bekimet e All'llahut qofshin mbi të!) dhe njohja me jetën e tij, me sjelljet e tij, si ka bashkëvepruar ai me ithtarët e tij, me familjen, me armiqtë, mënyra si e ka bërë ai thirrjen islame, si dhe njohja me mënyrat e rrugët që ai ndoqi - të gjitha këto janë burimi ku mësojmë fenë tonë dhe Sheriatin e fesë sonë.

Jetëshkrimi i Profetit (paqja dhe bekimi i All'llahut qofshin mbi të!) është burim themelor për të nxjerrjë dispozitat dhe ligjet e Islamit. Nga jetëshkrimi i tij juristët e fesë nxjerrin të gjitha dispozitat e ligjet që sistemojnë jetën tonë personale dhe shoqërore.

Studimi i jetëshkrimit të të Dërguarit (paqja dhe bekimi i All'llahut qofshin mbi të!) do të thotë studim i pjesës më të rëndësishme të bashkësisë sonë në veçanti dhe i të gjithë njerëzimit në përgjithësi, sepse jeta e tij është udhëzimi në rrugën e drejtë, kundër shkarjes në rrugën e humbjes, sepse ajo është e vërteta kundër së gabuarës.

Për të gjitha këto, studimi i jetës së këtij njeriu të madh na ndihmon të përmirësohemi, shpirtërisht e fizikisht, na qartëson rrugën e vërtetë dhe na mëson parimet madhështore të Islamit. Për të gjitha këto, Kur'ani na urdhëron që të kemi si shembull të Dërguarin dhe të marrim prej tij çdo gjë me të ciliën ai erdhi te ne dhe që e kumtoi për ne, sepse vetëm kështu do të kemi mundësi të jemi myslimanë të dobishëm, që ndërmarrim përmirësime, kryejmë transformime e luftojmë ngatërresat e shkatërrimet, sipas shembullit të përmirësuesit më të madh, Muham'medit (paqja dhe bekimi i All'llahut qofshin mbi të!). Kjo është rruga për të triumfuar mbi mohimin e padrejtësinë dhe për ta çliruar njeriun prej skllavërisë së idhujve e të shtypësve.

Allahu e dërgoi Profetin tonë, Muham'medin për t'i shpëtuar të gjithë njerëzit prej padijes, padrejtësisë, mohimit dhe shkatërrimit e ngatërresave, për t'i përmirësuar punët e njerëzve dhe për t'i udhëzuar ata në Rrugën e drejtë.

Jeta e profetit Muhammed është e jashtëzakonshme. Vlerat më të larta të etikës dhe moralit njerëzor janë tubuar te ai. Gjithçka e nevojshme dhe e bukur për njerëzimin gjenden në jetën shembullore të Profetit Muhammed. Ai është modeli për edukimin e njerëzve në mbarë rruzullin tokësor. Ai ndriçon rrugën e atyre që e kërkojnë atë. Ai ndriçon çdokënd që dëshiron ta gjejë lumturinë. Ai është udhëttëfyesi i njerëzisë.

Për t'u njohur më shumë me profetin Muhammed ju mund të lexoni këto sure dhe ajete nga Kur'ani fisnik: 7:158, 4:80, 53: 2-4, 33:2,36

**Dr. Mohammad Reza ARAM**